



CONVENIO DE COLABORACIÓN ENTRE O INSTITUTO DE ESTUDOS DO TERRITORIO DA CONSELLERÍA DE MEDIO AMBIENTE, TERRITORIO E VIVENDA, A FEDERACIÓN GALEGA DE MUNICIPIOS E PROVINCIAS, OS CONCELLOS DE AMES, AS PONTES, CEE, E COIRÓS PARA O DESENVOLVEMENTO DO PROGRAMA DE APOIO CARTOGRÁFICO A CONCELLOS.

Santiago de Compostela

REUNIDOS

Dona Ángeles Vázquez Mejuto, Conselleira de Medio Ambiente, Territorio e Vivenda da Xunta de Galicia e Presidenta do Instituto de Estudos do Territorio, no exercicio das facultades conferidas polo artigo 12 e 13.1 do Decreto 244/2011, do 29 de decembro, polo que se aproban os seus estatutos, e en virtude das facultades atribuídas polo artigo 34 da Lei 1/1983 do 22 de febreiro de normas reguladoras da Xunta e da súa presidencia e do Acordo do Consello da Xunta de 27 de marzo de 1991 (DOG de 30 de abril), de acordo co seu nomeamento polo Decreto 112/2020, do 6 de setembro, polo que se nomean os titulares das vicepresidencias e consellerías da Xunta de Galicia, en relación co establecido no Decreto 110/2020, do 6 de setembro, polo que se establece a estrutura orgánica da Xunta de Galicia, co previsto no Decreto 130/2020, do 17 de setembro, polo que se fixa a estrutura orgánica das vicepresidencias e das consellerías da Xunta de Galicia, e co establecido no Decreto 42/2019, de 28 de marzo, polo que se establece a estrutura orgánica da Consellería de Medio Ambiente, Territorio e Vivenda, que actúa en nome e representación da Comunidade Autónoma de Galicia.

Don Alberto Varela Paz, na súa condición de Presidente da Federación Galega de Municipios e Provincias (no sucesivo FEGAMP), actuando en virtude das atribucións que lle confire os artigos 44 e 46.1.b dos seus Estatutos.

Don Blas García Piñeiro, na súa condición de Alcalde-Presidente do Concello de Ames, provincia da Coruña, actuando en virtude das atribucións que lle confire o artigo 21.1 b) da Lei 7/1985, reguladora das Bases do Réxime Local.

Don Antonio Alonso Román, concelleiro delegado da Área de Urbanismo e Coordinación do goberno, actuando en virtude das atribucións que lle confire o artigo 21.1 b) da Lei 7/1985, reguladora das

San Lázaro s/n
15781 Santiago de Compostela
Teléfono: 981 541 755/6
Fax: 981 541 757
secretaria.iet@xunta.gal
<http://mapas.xunta.gal>





Bases do Réxime Local, e en representación do Alcalde-Presidente do Concello de As Pontes provincia da Coruña, de conformidade co disposto no decreto da alcaldía de 21 de abril de 2021 de delegación da sinatura do convenio de colaboración entre o Instituto de Estudos do Territorio da Consellería de Medio Ambiente, Territorio e Vivenda, a Federación Galega de Municipios e Provincias, ps Concellos de Ames, As Pontes, Cee, e Coirós para o desenvolvemento do programa de apoio cartográfico a concellos.

Dona Margarita Lamela Louzán, na súa condición de Alcaldesa-Presidenta do Concello de Cee, provincia da Coruña, actuando en virtude das atribucións que lle confire o artigo 21.1 b) da Lei 7/1985, reguladora das Bases do Réxime Local.

Don Francisco Quintela Requeijo, na súa condición de Alcalde-Presidente do Concello de Coirós, provincia da Coruña, actuando en virtude das atribucións que lle confire o artigo 21.1 b) da Lei 7/1985, reguladora das Bases do Réxime Local.

As partes recoñécense mutuamente na calidade en que interveñen con capacidade legal necesaria e,

EXPOÑEN

PRIMEIRO O Instituto de Estudos do Territorio (IET), organismo autónomo da Xunta de Galicia, adscrito á Consellería de Medio Ambiente, Territorio e Vivenda, creado pola Lei 6/2007, do 11 de maio, de medidas urxentes en materia de ordenación do territorio e do litoral de Galicia, en virtude do mandato recollido na Lei 10/1995, do 23 de novembro, de ordenación do territorio de Galicia, e cuxos estatutos foron aprobados polo Decreto 244/2011, do 29 de decembro, e recentemente modificados polo Decreto 14/2017, do 26 de xaneiro, polo que se aproba o Regulamento de ordenación da información xeográfica e da actividade cartográfica de Galicia, exerce, entre outras, as seguintes funcións:

- Realizar traballos de investigación, análise, estudo e difusión sobre urbanismo e ordenación do territorio, e en particular, o impulso da cooperación con todas as administracións públicas con competencia no territorio, especialmente coas administracións locais, co fin de promover o desenvolvemento de políticas comúns, debidamente coordinadas e programadas, que aseguren o cumprimento dos fins de protección, xestión e ordenación anteriormente sinalados.





- Prestar asistencia e asesoramento aos concellos de Galicia para a elaboración do planeamento urbanístico e a xestión e execución do planeamento, co fin de implementar as políticas de paisaxe na planificación urbanística e territorial .
- A recompilación e o tratamento da información do territorio galego, así como a produción cartográfica para as diferentes consellerías e organismos públicos da Comunidade Autónoma de Galicia, especialmente en materia agraria e de desenvolvemento rural, o que inclúe, en particular:
Coordinación e difusión da información xeográfica e cartográfica necesaria para o desenvolvemento dos estudos territoriais e urbanísticos das diferentes consellerías e organismos públicos da Comunidade Autónoma, así como o apoio técnico á difusión e formación de actuacións en materia de información xeográfica desenvolvidas pola Xunta de Galicia ou en coordinación con ela.
Xestionar os sistemas de información corporativos vinculados ao territorio a partir das bases de datos cartográficas e espaciais existentes na consellería e no resto dos órganos da Administración xeral e entidades do sector público autonómico de Galicia que así o demanden, así como calquera outra información que se poida localizar sobre o territorio e que sexa susceptible de ser incorporada coa súa referencia xeográfica para a xestión da Infraestrutura de datos espaciais de Galicia (IDEG).
Incentivar a innovación, a adopción e o desenvolvemento de tecnoloxías e infraestruturas propias no campo de información xeográfica do territorio galego. Así mesmo, abordarase a planificación e o desenvolvemento de servizos de valor engadido e de novos sistemas e aplicacións en materia de información xeográfica para Galicia.

SEGUNDO Que a lei 14/2010 do 5 de xullo sobre as infraestruturas e os servizos de información xeográfica de España, ten por obxecto complementar a organización dos servizos de información xeográfica e fixar, de conformidade coas competencias estatais, as normas xerais para o establecemento de infraestruturas de información xeográfica en España orientadas a facilitar a aplicación de políticas baseadas na información xeográfica polas Administracións Públicas e o acceso e utilización deste tipo de información.

Para a organización dos servizos de información xeográfica e cartografía que contempla a Lei, no seu artigo 17, cóntase coa participación do Sistema Cartográfico Nacional.

Que o Real Decreto 1545/2007, do 23 de novembro, polo que se regula o Sistema Cartográfico Nacional, no seu artigo 2, apartado 1, establece que o Sistema Cartográfico Nacional persegue o exercicio eficaz das funcións públicas en materia de información xeográfica mediante a coordinación





da actuación dos diferentes operadores públicos cuxas competencias concorren neste ámbito, cos obxectivos seguintes:

- a) Garantir a homoxeneidade da información producida polos organismos públicos que formen parte del e que de maneira concorrente desenvolven actividades cartográficas no territorio nacional, para asegurar así a coherencia, continuidade e interoperabilidade da información xeográfica sobre o territorio español.
- b) Favorecer a eficiencia no gasto público destinado a cartografía e sistemas de información xeográfica, evitando a dispersión e duplicidade dos recursos públicos utilizados e promovendo a cooperación interinstitucional.
- c) Asegurar a dispoñibilidade pública e actualización dos datos xeográficos de referencia.
- d) Optimizar a calidade da produción cartográfica oficial e a súa utilidade como servizo ao público, facilitando o acceso á información
- e) xeográfica e favorecendo a competitividade do sector cartográfico privado.

TERCEIRO Que segundo establece o artigo 3 dos Estatutos da Federación Galega de municipios e provincias (FEGAMP) o seu ámbito competencial incluíra calquera asunto que garde relación cos intereses comúns dos Entes Locais que integran o territorio da Comunidade Autónoma de Galicia.

Entre os fins da FEGAMP recollidos no artigo 6 dos seus estatutos está o de promover e representar os intereses das Entidades Locais ante outras Administracións Públicas, gozando no exercicio das atribucións que ten conferidas para o cumprimento dos seus fins estatutarios de plena capacidade para subscribir os convenios que procedan.

CUARTO Que segundo establece o artigo 25 da Lei 7/1985, reguladora das Bases do Réxime Local, que o Municipio exercerá en todo caso como competencias propias, nos termos da lexislación do Estado e das Comunidades Autónomas, nas seguintes materias entre outras:

- Urbanismo: plan, xestión, execución e disciplina urbanística
- Protección e xestión do Patrimonio histórico
- Promoción e xestión da vivenda de protección pública con criterios de sustentabilidade financeira
- Conservación e rehabilitación da edificación





QUINTO Que o modelo da Base Topográfica Armonizada v1.0 (BTA v1.0) é un modelo definido para a elaboración da cartografía 1/5 000 e 1/10 000, que xorde da harmonización dos diferentes modelos existentes para a produción das bases topográficas por parte das Comunidades Autónomas, Deputacións Forais e a Administración Xeral do Estado.

A partir do modelo BTA v1.0 engadíronse polo Instituto Geográfico Nacional algúns elementos para a construción da denominada BTA+. Posteriormente incluíronse fenómenos propios de Galicia, dando como resultado a Base Topográfica Armonizada de Galicia BTG v1.0.

Tomando como partida o modelo da Base Topográfica Armonizada de Galicia BTG v.1.0, xunto cos traballos realizados pola Comisión de Normas Cartográficas do Consello Superior Geográfico e coa colaboración de diversos concellos produtores a escalas maiores a 1/5.000, definiuse o modelo de datos da Base Topográfica Urbana de Galicia BTUG v1.0 para as escalas 1/2.000, 1/1.000 e 1/500.

Actualmente existen dúas novas versións das especificacións denominadas BTG v1.1 e BTUG v1.2 e mediante as que buscamos o seu emprego en Sistemas de Información Xeográfica e como referencia para a produción e guía de consulta de cartografía por parte de produtores e usuarios.

Pola súa banda as Normas Técnicas de Planeamento de Galicia, aprobadas pola Orde de 10.10.2019 da Consellería de Medio Ambiente, Territorio e Vivenda da Xunta de Galicia (DOG núm. 224 do 25.11.2019) teñen por obxecto unificar os criterios técnicos para a elaboración dos documentos de planeamento urbanístico, a terminoloxía e os conceptos urbanísticos xerais e regulan no seu Título II a base cartográfica dos documentos de planeamento urbanístico, entre os que figuran os Plans básicos municipais. Estas Normas Técnicas recollen no seu anexo 8 un catálogo mínimo de obxectos xeográficos da base topográfica do planeamento urbanístico que supoñen na práctica unha BTG v1.0 e unha BTUG v1.0 simplificadas.

SEXTO As novas tecnoloxías e metodoloxías para producir, distribuír e utilizar a información xeográfica son un constante desafío para as administracións, xa sexan de ámbito nacional, rexional ou local. É, neste último ámbito, no que se detectou a necesidade destas administracións de produtos para satisfacer as demandas que presentan tanto en canto á cartografía base sobre a que desenvolver o seu plan, como pola importancia que teñen estes produtos para a propia xestión municipal, as





infraestruturas de datos espaciais, o modelizado de vivendas, a realización de plans de emerxencias, o estudo e deseño de redes de saneamento e abastecemento...

Por outra banda, o IET recibe constantemente consultas sobre como aplicar as normas cartográficas emanadas da Comisión para a Coordinación da Información Xeográfica e Cartografía, e que son recollidas nas propias Normas Técnicas de Planeamento (Artigo 18 da Orde do 10 de outubro de 2019 de aprobación das normas técnicas de planeamento urbanístico de Galicia.) como de obrigado cumprimento, así como da dificultade que ten a Administración Local de contar con técnicos especializados neste sentido.

Finalmente débese destacar o feito de que as bases topográficas son caras de producir e poder licitar conxuntamente entre varias administracións, reduce os custos e axuda á mellora da calidade dos resultados obtidos.

Neste senso, o artigo 57 da Lei 7/1985, do 2 de abril, reguladora das bases do réxime local e o 194 da Lei 5/1997, do 22 de xullo, reguladora da Administración local de Galicia determinan que a cooperación económica, técnica e administrativa entre a Administración Local e as Administracións do Estado e das Comunidades Autónomas, tanto en servizos locais como en asuntos de interese común, desenvolverase con carácter voluntario, baixo as formas e nos termos previstos nas leis, podendo ter lugar, en todo caso, mediante os convenios administrativos que subscriban.

SÉTIMO Que é de interese común das partes a obtención conxunta de bases topográficas a escala 1/5.000 de todo o termo municipal, e de escalas 1/2.000 1/1.000 daquelas zonas indicadas a tal efecto por parte dos concellos.

OITAVO Os asinantes presentan polo tanto, unha sintonía cos obxectivos do convenio, así como complementariedade dos medios e mecanismos concorrentes para a súa consecución, quedando acreditada a súa representatividade no ámbito obxectivo do convenio.

CLÁUSULAS

PRIMEIRA.- OBXECTO

San Lázaro s/n
15781 Santiago de Compostela
Teléfono: 981 541 755/6
Fax: 981 541 757
secretaria.iet@xunta.gal
<http://mapas.xunta.gal>





O presente convenio ten por obxecto regular o réxime de colaboración entre as partes subscriptoras aos efectos de acadar a realización de bases topográficas a escalas 1/5.000, 1/2.000 e 1/1.000. Esta última escala naqueles concellos onde existan voos fotogramétricos que a permitan realizar:

- A cartografía a escala 1/5.000 xerarse para todo o concello
- As zonas a cartografar a escala 1/2.000 e 1/1.000 serán definidas polos propios concellos, tendo en conta que a cartografía a escala 1/1.000 tan só será posible obtela naqueles concellos que foron voados dentro do PNOA10_Galicia <https://ideg.xunta.gal/webapps/PNOA10/>

A cartografía a obter será compatible coa existida nas Normas Técnicas de Planeamento e seguirá as especificacións de produto da BTUG e da BTG, estando orientado o seu uso mediante Sistemas de Información Xeográfica.

SEGUNDA.- DESENVOLVEMENTO DAS ACTUACIÓNS E COMPROMISOS DAS PARTES

O IET comprométese ao seguinte:

- Dirección técnica dos traballos para a realización das actividades recollidas no convenio.
- Contratación do servizo para obtención de Bases Topográficas dentro do Programa de Apoio Cartográfico aos Concellos (PACC_2021), nos concellos de Ames, As Pontes de García Rodríguez, Cee y Coirós.
- Achega de parte do financiamento necesario para a execución deste convenio (50.000 euros), segundo se detalla na cláusula cuarta e a asumir o control de calidade dos produtos elaborados.
- De conformidade coas súas competencias, verificar o control de calidade da cartografía, así como a súa harmonización e normalización, no marco do Sistema Cartográfico Nacional.

A FEGAMP comprométese á promoción do obxectivo e das actuacións deste convenio entre as entidades locais (deputacións, concellos e entidades supramunicipais) para conseguir a maior participación neste durante o período de vixencia ou en posteriores prórrogas, de ser o caso, en coordinación co IET. Así mesmo, comprométese a mediar para acadar vías de cofinanciamento dos traballos obxecto deste convenio, ao fin de que os concellos poidan acceder máis facilmente a unha cartografía actualizada e adaptadas ás súas necesidades.

Os concellos comprométense a:

San Lázaro s/n
15781 Santiago de Compostela
Teléfono: 981 541 755/6
Fax: 981 541 757
secretaria.iet@xunta.gal
<http://mapas.xunta.gal>





- Delimitar as zonas a cartografiar tendo en conta estes criterios e as súas propias necesidades e faranse cargo do resto do custo en proporción á dita superficie.

- Achegar o financiamento necesario, detallado na cláusula cuarta, así como a delimitar as zonas a capturar e a facilitar toda a información territorial necesaria para a execución deste convenio.

No anexo I detállase o custos do Programa de apoio cartográfico a concellos.

Realizada a xeración de crédito, o IET procederá á tramitación do expediente de contratación do servizo, sen prexuízo da obriga do ingreso efectivo das respectivas achegas por parte dos concellos no prazo sinalado na cláusula quinta. E, así mesmo, durante a súa execución, á dirección técnica dos traballos e ao control de calidade simultáneo e posterior.

Unha vez realizada a cartografía, a información obtida será posta a disposición de todos os participantes neste convenio e do conxunto da cidadanía dun xeito libre e gratuíto mediante calquera das Infraestruturas de Datos Espaciais (IDE) dos organismos participantes no acordo .

O IET, de conformidade coas súas competencias, comprométese a verificar o control de calidade da cartografía, así como a súa harmonización e normalización, no marco do Sistema Cartográfico Nacional.

Os concellos comprométense a aportar o financiamento necesario, detallado na cláusula cuarta, así como a delimitar as zonas a capturar e a facilitar toda a información territorial necesaria para a execución deste convenio.





TERCEIRA. ORZAMENTO

O prezo por hectárea estableceuse do seguinte xeito:

ESCALA	Custo PNOA10	Custo resto de concellos
1:1000	45 €/Ha	-
1:2000	18 €/Ha	18 €/Ha
1:5000	4 €/Ha	4,5 €/Ha

O prezo por hectárea estimouse a partir, da consulta preliminar ao mercado realizada no ano 2018 para o PNOA10_Galicia, particularizando estes en función das características dos voos de partida e dos custos establecidos para un proxecto similar como é a cartografía do Plan Básico Municipal.

Os concellos delimitaron as zonas a cartografiar tendo en conta as súas propias necesidades e se estableceu que a superficie é de:

- 900 hectáreas a escala 1:1.000
- 2.536,50 hectáreas a escala 1:2000
- 38.690,70 hectáreas a escala 1:5000

O IET levará a cabo o control de calidade así como a súa harmonización e normalización, no marco do Sistema Cartográfico Nacional co seu propio persoal, e así mesmo realizará unha achega económica de 50.000€ IVE incluído, de xeito que o custe total deste convenio ascende a 283.095,15 € IVE incluído.

No anexo II detállase o orzamento por concello previo á achega do IET.

CUARTA. FINANCIAMENTO E DISTRIBUCIÓN

O financiamento da contratación da elaboración da cartografía é asumido polo IET e polos concellos. O IET comprométese a achegar a cantidade de 50.000 €, coa que cofinanciar as hectáreas a escala 1/5000 delimitadas polos concellos, tendo en conta as súas necesidades, con cargo á aplicación orzamentaria 08 80 541E 640.1 (proxecto 2021 00001), e os concellos asinantes os 207.095,15 € restantes.

O contrato executarase ao longo das anualidades 2021 e 2022.





Polo tanto, o custo da cartografía ascende a 257.095,15 € dos cales 207.095,15 € son financiados polos concellos e 50.000 € polo IET (IVE incluído en ambos casos) do seguinte xeito:

- Ano 2021 25.000 €
- Ano 2022 25.000 €

O control de calidade así como a súa harmonización e normalización, no marco do Sistema Cartográfico Nacional, estimado en 26.000,00 €, realizarao o IET co seu propio persoal, con cargo ao capítulo I dos orzamentos do Instituto de Estudos do Territorio para as anualidades 2021 e 2022, distribuídos do seguinte xeito:

- Ano 2021 13.000 €
- Ano 2022 13.000 €

En consecuencia, o custe total deste convenio ascende a 283.095,15 € IVE incluído.

No anexo III detallase as obrigas financeiras de cada unha das partes, téndose en conta que os 50.000 euros que aporta o IET servirán para reducir o importe do orzamento de cada concello previsto no Anexo II.

QUINTA.- PAGAMENTO E LIQUIDACIÓN

Con anterioridade á sinatura do convenio, remitírase ao IET a seguinte documentación:

- Documento contable no que conste a correspondente retención de crédito (RC).

Este compromiso é imprescindible para que o IET poida tramitar a xeración do crédito correspondente, ao abeiro do disposto no artigo 69 do texto refundido da Lei de réxime financeiro e orzamentario de Galicia, aprobado polo Decreto legislativo 1/1999, do 7 de outubro, para poder dispoñer de crédito suficiente para tramitar a contratación necesaria para a execución deste convenio.

Posteriormente os concellos transferirán á Tesourería da Xunta de Galicia (conta bancaria: ES82 2080 0300 8731 1006 3172) o importe das súas obrigas dentro do mes seguinte ao da sinatura do convenio.





De non se efectuar a achega correspondente por parte de cada concello no prazo fixado, as partes asumen expresamente que as mesmas terán a consideración de débedas firmes, líquidas e exixibles pola Xunta de Galicia, quen poderá reter e compensar os referidos importes das cantidades que lles correspondan a aqueles como participación no Fondo de Cooperación Local, consonte co legalmente establecido.

O IET comprométese a pagar o importe da elaboración da cartografía á empresa contratada ao abeiro do contrato que se formalice en execución deste convenio.

No caso de que o convenio non se chegase á executar ou se executase só en parte, o IET comprométese a devolver aos concellos, no prazo mais breve posible que permita a súa tramitación dende que se formalizase a resolución ou modificación, o importe das súas achegas, que pode ser total ou proporcional á parte non executada.

No caso de que non exista un número mínimo de tres concellos que realicen as referidas achegas, quedará sen efecto o convenio e decaerá o deber do IET de contratar a elaboración da cartografía.

Unha vez executado o contrato, o IET realizará a liquidación do convenio. A diferenza entre o orzamento de licitación do contrato (257.095,15 €) e o orzamento de adjudicación, minorado polo importe do IET (50.000 €), devolverase de forma íntegra aos concellos adheridos ao convenio, en proporción á achega e superficie de cada un, no prazo máis breve posible que permita a súa tramitación. O importe achegado polo IET (50.000,00 €) non se minorará.

A achega do IET (50.000,00 €) ten por obxecto reducir o custo dos concellos agora asinantes, sen prexuízo da posibilidade de que no futuro se adhiran a este convenio novos concellos, a través de addenda, no período anterior á adjudicación do contrato, e dentro dos límites previstos no artigo 204 da Lei 9/2017, do 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014.

O IET resérvase a posibilidade de reintegrar o importe íntegro satisfeito polos concellos asinantes da parte correspondente ao 1/5.000, no suposto de obter financiación suficiente a través de fondos





comunitarios, coa finalidade de abordar esta iniciativa no territorio da Comunidade Autónoma Galega.

SEXTA.- ADHESIÓN DE NOVAS PARTES

Durante a vixencia deste convenio, poderanse adherir novos asinantes, ben sexan novos concellos, en cuxo caso debe producirse a adhesión no período anterior á adxudicación do contrato; ou ben outras administracións, no suposto de considerarse por parte das partes asinantes que poden axudar a mellorar a calidade ou axudar na cofinanciación desta iniciativa.

As adhesións formalizaranse mediante as oportunas addendas a este convenio e dentro do límite previsto na cláusula quinta.

Nas addendas de novos concellos deberase detallar a superficie para voar, o orzamento do devandito voo e as obrigas das partes. As correspondentes achegas económicas calcularanse en función dos prezos por hectárea reflectidos na cláusula terceira e estas adhesións non implicarán ningunha modificación dos importes correspondentes aos concellos que formalizaran este convenio inicial nin tampouco aumento da achega do IET.

Con anterioridade á formalización desta addenda, os novos concellos achegarán ao IET un documento contable no que conste a correspondente retención de crédito (RC).

Dentro do mes da sinatura da addenda, os novos concellos deberan a transferir á Tesourería da Xunta de Galicia (conta bancaria: ES82 2080 0300 8731 1006 3172) o importe das súas obrigas.

SÉTIMA.- PROPIEDAD INTELECTUAL

A propiedade intelectual dos traballos resultantes será compartida polas partes asinantes deste convenio, salvo renuncia expresa dalgunha das partes, os cales se comprometen a empregala dentro dos fins que lle son propios.





OITAVA.-VIXENCIA

O presente convenio entrará en vigor o día da súa sinatura e terá unha vixencia ata o 31/12/2022 agás a prórroga por acordo mutuo das partes antes da súa finalización para o cumprimento da finalidade nel establecida, sen que en ningún caso poda exceder dos catro anos.

NOVENA. PUBLICIDADE

A sinatura do presente convenio suporá o consentimento expreso das partes asinantes para incluír e facer públicos os datos persoais que consten no convenio e mailo resto de especificacións contidas no mesmo, de conformidade co artigo 15 da Lei 1/2016, do 18 de xaneiro, de transparencia e bo goberno (DOG nº 30 do 15 de febreiro) e o Decreto 126/2006, do 20 de xullo, polo que se regula o rexistro de convenios da Xunta de Galicia (DOG nº 149 do 3 de agosto).

DÉCIMA.- COMISIÓN DE SEGUIMIENTO

Coa finalidade de asegurar o cumprimento deste convenio, crearase unha comisión mixta de seguimento, composta por dous membros de cada unha das entidades asinantes. A dita comisión actuará como mecanismo conxunto de plena efectividade e reunirse a petición dunha das partes. En caso de discrepancia, e en última instancia, resolverán os órganos xurisdicionais competentes.

Esta comisión mixta desenvolverá os obxectivos que xustifican o asinamento deste convenio, cumprindo de modo específico as seguintes funcións:

- a) Interpretar e aplicar, con carácter xeral, as estipulacións deste convenio, así como controlar o seu cumprimento e resolver os conflitos entre as partes.
- b) Propoñer addendas ou modificacións a este convenio para que sexan aprobados polos órganos competentes.
- c) Seguimento das actividades contempladas no presente convenio
- d) Liquidación do convenio se fose o caso.

Operatividade: A comisión mixta de seguimento reunirse con motivo do seguimento do traballo na periodicidade que se estime necesario convocar.

UNDÉCIMA.- MODIFICACIÓN, DENUNCIA E RESOLUCIÓN DO CONVENIO

San Lázaro s/n
15781 Santiago de Compostela
Teléfono: 981 541 755/6
Fax: 981 541 757
secretaria.iet@xunta.gal
<http://mapas.xunta.gal>





As partes poderán denunciar ou modificar o presente convenio en calquera momento por acordo mutuo. A denuncia por unha das partes do presente Convenio deberá comunicarse por escrito á outra parte con tres meses de antelación á data na que se vaia a dar por finalizado.

Son causas de resolución do presente convenio:

- a) Por acordo mutuo das persoas asinantes.
- b) Si se producisen circunstancias que fixesen imposible realizar as actuacións previstas no convenio.
- c) Polo incumprimento dos compromisos e das obrigas establecidas no presente convenio, sen prexuízo dos danos e perdas imputables ao causante.
- d) O transcurso do prazo de vixencia do convenio sen terse acordado a prórroga deste.
- e) Por decisión xudicial declaratoria da nulidade do convenio.
- f) O incumprimento dalgunha das cláusulas deste convenio poderá dar lugar ao reintegro total ou parcial das cantidades recibidas.

DUODÉCIMA.- XURISDICIÓN E NORMATIVA APLICABLE

O presente convenio ten natureza administrativa e rexerese pola Lei 40/2015 do 1 de outubro, de réxime xurídico do sector público e pola Lei 5/1997, do 22 de xullo, de Administración Local de Galicia.

As cuestións litixiosas que poidan xurdir na interpretación ou incumprimento das obrigas que se deriven do presente convenio, e que non puideran ser dirimidas pola comisión de seguimento creada a tal efecto, resolveranse pola xurisdición contencioso administrativa, na maneira regulada na Lei 29/1998 da xurisdición contencioso-administrativa.

DÉCIMO TERCEIRA.- RELACIÓNS LABORAIS

A subscrición do presente convenio non implica relación laboral, contractual ou de calquera tipo entre as partes, de tal modo que non se lle poderá esixir responsabilidade algunha, nin directa, nin indirecta, nin subsidiaria, polos actos ou feitos ocorridos durante a execución das actuacións e/ou a vixencia do presente Convenio.





DÉCIMO CUARTA. PROTECCIÓN DE DATOS DE CARÁCTER PERSOAL

As partes asinantes obríganse ao cumprimento do Regulamento (UE) 2016/679 do Parlamento Europeo e do Consello, do 27 de abril de 2016, relativo á protección das persoas físicas no que respecta ao tratamento de datos persoais e á libre circulación destes datos e polo que se derroga a Directiva 95/46/CE (Regulamento xeral de protección de datos), así como da Lei 3/2018, de protección de datos de carácter persoal e da garantía dos dereitos dixitais e demais normativa vixente de aplicación en cada momento en materia de protección de datos.

En proba de conformidade asinan dixitalmente o presente convenio

Polo IET

Pola FEGAMP

Ángeles Vázquez Mejuto

Alberto Varela Paz

Polo Concello de Ames

Polo Concello de As pontes de García
Rodríguez

Blas García Piñeiro

Antonio Alonso Román

Polo Concello de Cee

Polo Concello de Coirós

Margarita Lamela Louzán

Francisco Quintela Requeijo





ANEXO I

Custos do Programa de apoio cartográfico a concellos

ESCALA	Custo PNOA10	Custo resto de concellos
1:1000	45 €/Ha	-
1:2000	18 €/Ha	18 €/Ha
1:5000	4 €/Ha	4,5 €/Ha





ANEXO II

Orzamento desagregado por concello (IVE incluído) previo á achega do IET

ENTIDADE	ESCALA	SUPERFICIE EN HECTÁREAS/Concepto	ORZAMENTO DESAGREGADO	ORZAMENTO/achega económica/valoración
Ames	1:1000	900,00	40.500,00 €	79.904,00 €
	1:2000	782,00	14.076,00 €	
	1:5000	6.332,00	25.328,00 €	
As Pontes de García Rodríguez	1:2000	805,50	14.499,00 €	123.232,95 €
	1:5000	24.163,10	108.733,95 €	
Cee	1:2000	415,00	7.470,00 €	31.453,20 €
	1:5000	5.329,60	23.983,20 €	
Coirós	1:2000	534,00	9.607,00 €	22.505,00 €
	1:5000	2.866,00	12.898,00 €	
TOTAL			257.095,15 €	





ANEXO III

Obrigas financeiras das partes.

ENTIDADE	CUSTO
Ames	71.721,16 €
As Pontes de García Rodríguez	92.006,96 €
Cee	24.565,76 €
Coirós	18.801,27 €
Instituto de Estudos do Territorio Financiamento dos voos (achega económica)	50.000,00 €
Orzamento	257.095,15 €
Instituto de Estudos do Territorio Control de calidade (valoración económica)	26.000,00C
Custo total	283.095,15 €

Os 50.000 euros do IET servirán para reducir a aportación económica inicialmente prevista para cada concello.

